

〔令義解七式〕凡車駕巡幸京師、留守官給鈴契、謂留守官者、皇太子不在者、餘官留守者亦是也、給鈴契、其依上條、太子監國之日、唯得用勅旨及便奏、以外大事、不得施行、此據尋常之時、不由非常之變、若有軍機急速、應處分兵馬者、不拘恒法、亦得兼行、多少臨時量給、

〔延喜式十二中務〕凡行幸經宿者、差定留守徒、付公卿奏之、

〔日本書紀二十六齊明〕四年十月甲子、幸紀溫湯、○中十一月壬午、留守官蘇我赤兄臣語有間、皇子曰、○

〔日本書紀二十八天武〕元年六月甲申、將入東、時有一臣奏曰、近江群臣、無有謀心、必告天下、則道路難通、何

無一人兵、徒手入東、臣恐事不就矣、天皇從之、思欲返、召男依等、即遣大分君惠尺、黃書造大伴、逢臣志摩、于留守司高坂王、而令乞驛鈴、

〔日本書紀三十持統〕六年二月丁未、詔諸官曰、當以三月三日將幸伊勢、三月戊辰、以淨廣肆廣瀨王、直廣參當麻真人智德、直廣肆紀朝臣弓張等、為留守官、

〔續日本紀十四聖武〕天平十四年八月己亥、行幸紫香樂宮、以知太政官事正三位鈴鹿王、左大辨從三位巨勢朝臣奈氏麻呂、右大辨從四位下紀朝臣飯麻呂、為留守、攝津大夫從四位下大伴宿禰牛養、民部卿從四位下藤原朝臣仲麻呂、為平城留守、

〔續日本紀三十八桓武〕延曆四年九月丙辰、車駕至自平城、○中至於行幸平城、太子、○早及右大臣藤原朝臣是公、中納言種繼等、並為留守、

〔類聚符宣抄四〕右大臣○藤原宣、行幸經宿留守侍從、中務省差定參議已上、執省奏奏之、永為恒例、其參議已上、不在中務省、□□□若限、但裝束行事不據此例、

弘仁五年二月十五日、少外記大春日朝臣欵雄奉

〔新任辨官抄〕留守辨、尋知諸衛官人外記史等、可催之由能誠仰、又尋內侍所女官祇候否事、諸陣所々誠不事、